



გამარტივებული შესყიდვის შეთანხმების
მოდულის (SMP) მომხმარებლის სახელმძღვანელო



სარჩევი:

1. გამარტივებული შესყიდვის შეთანხმება სააგენტოსთან	3
2. გამარტივებული შესყიდვის ერთობლივად განხორციელება.....	4
3. SMP მოდულში გამარტივებული შესყიდვის შესახებ მომართვის წარდგენა	4
4. სააგენტოს მიერ გადაწყვეტილების მიღება და მომართვის სტატუსები	9
5. მომართვის საჯაროობა და დაინტერესებული პირის მიერ მასზე მოსაზრების დაფიქსირება.....	10



1. გამარტივებული შესყიდვის შეთანხმება სააგენტოსთან

შემსყიდველი ორგანიზაციები ვალდებული არიან, „სახელმწიფო შესყიდვების შესახებ“ საქართველოს კანონითა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ შესაბამისად, ხელშეკრულების გამარტივებული შესყიდვის საშუალებით დადების შესახებ მიღებული გადაწყვეტილება შესყიდვის განხორციელებამდე შეთანხმონ სახელმწიფო შესყიდვების სააგენტოსთან (შემდგომში – სააგენტო), სახელმწიფო შესყიდვების ერთიან ელექტრონულ სისტემაში (შემდგომში – სისტემა) ჩაშენებული SMP მოდულში მომართვის წარდგენის გზით.

სააგენტოსთან შეთანხმებას ექვემდებარება ის გამარტივებული შესყიდვები, რომელზეც ხორციელდება შემდეგი საფუძვლებით:

1. შესყიდვის ობიექტი მიწოდება წარმოადგენს ერთი პირის ექსკლუზიურ უფლებას;
2. არსებობს გადაუდებელი აუცილებლობა;
3. მიმწოდებლისგან შესყიდული შესყიდვის ობიექტის ხარისხის გაუარესების თავიდან ასაცილებლად ან შესყიდვის ობიექტის შემდგომი ექსპლუატაციის უზრუნველყოფის მიზნით საჭიროა შესყიდვა განხორციელდეს იმავე მიმწოდებლისგან ან იმავე მიმწოდებელთან დადებული ხელშეკრულებით გათვალისწინებული ქვეკონტრაქტორისგან;
4. სახელმწიფოებრივი და საზოგადოებრივი მნიშვნელობის ღონისძიების შეუფერხებლად ჩატარებისთვის გათვალისწინებულია შეზღუდული ვადები;
5. იმ შემთხვევაში, თუ გადაუდებელი აუცილებლობით გამოწვეული შესყიდვის შესახებ მიღებული გადაწყვეტილების სააგენტოსთან შეთანხმება შეუძლებელია, რადგან შესყიდვის დაყოვნება, ალბათობის მაღალი ხარისხით, გამოუსწორებელ ზიანს მიაყენებს გადაუდებელი აუცილებლობით დაცულ სიკეთე(ებ)ს, შემსყიდველი ორგანიზაცია უფლებამოსილია, დაიწყოს შესყიდვის პროცედურები, რაზეც იგი იღებს დასაბუთებულ გადაწყვეტილებას და აღნიშნულის შესახებ დაუყოვნებლივ მიმართავს სააგენტოს სისტემის SMP მოდულის საშუალებით.

გამარტივებული შესყიდვის შესახებ სააგენტოსადმი წარდგენილი მომართვის საფუძვლიანობა და დადგენილ კრიტერიუმებთან შესაბამისობა მოწმდება SMP მოდულში ჩაშენებული კითხვარით¹. ზემოხსენებული საფუძვლებით

¹ დამატებით იხ. წინამდებარე სახელმძღვანელოს მე-3 თავი.



გამარტივებული შესყიდვის განხორციელების უფლება შემსყიდველს წარმოეშობა მხოლოდ სააგენტოს თანხმობის მიღების შემთხვევაში.

2. გამარტივებული შესყიდვის ერთობლივად განხორციელება

შემსყიდველ ორგანიზაციებს უფლება აქვთ, გამარტივებული შესყიდვა განახორციელონ ერთობლივად. შესყიდვის ერთობლივად განსახორციელებლად საჭიროა წერილობითი ფორმით დაიდოს შეთანხმება შემსყიდველ ორგანიზაციებს შორის, რომელსაც ხელს აწერენ შემსყიდველი ორგანიზაციების ხელმძღვანელები ან მათ მიერ საამისოდ უფლებამოსილი პირები. ამასთან, თუ, ერთობლივი შესყიდვა ხორცილდება ერთ სისტემაში შემავალი შემსყიდველი ორგანიზაციების მიერ, შესყიდვის შესახებ გადაწყვეტილება მიიღება ზემდგომი თანამდებობის პირის ან მის მიერ საამისოდ უფლებამოსილი პირის ინდივიდუალური ადმინისტრაციულ-სამართლებრივი აქტის საფუძველზე. ასეთი შეთანხმება ან ინდივიდუალური ადმინისტრაციულ-სამართლებრივი აქტი აუცილებელია აიტვირთოს სისტემის SMP მოდულში, სააგენტოსთან გამარტივებული შესყიდვის შეთანხმების მომართვასთან ერთად.

ერთობლივი შესყიდვის შესახებ შეთანხმება ან ინდივიდუალური ადმინისტრაციულ-სამართლებრივი აქტი აუცილებელია შეიცავდეს შემდეგ ინფორმაციას:


1. გამარტივებული შესყიდვის განხორციელების საფუძველი და პირობები;
2. მიმწოდებელთან ანგარიშსწორების პირობები;
3. შესყიდვის ობიექტის მიწოდების წესი;
4. მითითებას იმ შემსყიდველი ორგანიზაციის შესახებ, რომელიც შეთანხმების მონაწილეთა გადაწყვეტილებით უფლებამოსილია გამარტივებული შესყიდვის შესახებ მიმართვა წარადგინოს SMP მოდულში.

3. SMP მოდულში გამარტივებული შესყიდვის შესახებ მომართვის წარდგენა

SMP მოდულში შეთანხმების მომართვის წარსადგენად, პირველ ყოვლისა, უნდა გაიაროთ ავტორიზაცია სისტემაში (არსებული მომხმარებლის სახელითა და კოდით). სისტემაში შესვლის შემდეგ, გადადით SMP მოდულში (იხ. №1 სურათი) და დააჭირეთ ღილაკს . + ახალი ჩანაწერი



სურათი №1.



მომართვის გასაკეთებლად აუცილებელია მიეთითოს შესაბამისი ინფორმაცია. მაგალითად, როდესაც შესყიდვის ობიექტის მიწოდება წარმოადგენს ერთი პირის ექსკლუზიურ უფლებას, აუცილებელია შეივსოს შემდეგი ინფორმაცია (იხ. სურათი №2):

1. შესყიდვის საფუძველი (საჭიროა მონიშნოთ ქვემოთ ჩამოთვლილიდან ერთერთი)²:
 - ექსკლუზიური უფლებამოსილება;
 - გადაუდებელი აუცილებლობა;
 - შეთანხმება გადაუდებელი აუცილებლობით შესყიდვის შემდგომ;
 - ხარისხის გაუარესების თავიდან აცილება;
 - ღონისძიების შეზღუდულ ვადებში შეუფერხებლად ჩატარება.
2. მიმწოდებლის წარმომავლობა;
3. მიმწოდებლის საიდენტიფიკაციო კოდი;
4. მიმწოდებლის დასახელება;
5. შემსყიდველი ორგანიზაციის ზემდგომი ორგანო;
6. კლასიფიკატორის კოდები;
7. შესყიდვის ობიექტის მიწოდების ვადები;
8. შესყიდვის ღირებულება;
9. ასევე, საჭიროების შემთხვევაში, შესაძლებელია დამატებითი ინფორმაციის მითითება „შენიშვნების“ ველში“.

² სხვადასხვა შესყიდვის საფუძვლის არჩევის შემთხვევაში შესაბამისად იცვლება მისათითებელი დამატებითი ინფორმაცია.



სურათი №2.

ახალი ჩანაწერი
✕

შესყიდვის საფუძველი

- ექსკლუზიური უფლებამოსილება
- გადაუდებელი აუცილებლობა
- შეთანხმება გადაუდებელი აუცილებლობით შესყიდვის შემდგომ
- ხარისხის გაუარესების თავიდან აცილება
- ღონისძიების შეზღუდულ ვადებში შეუფერხებლად ჩატარება

მიმწოდებელი

რეზიდენტი არარეზიდენტი

კოდი სახელი

ბემდგომი ორგანო

კლასიფიკატორის კოდები

შესყიდვის ობიექტის მინოდების ვადები

შესყიდვის ღირებულება

შენიშვნა

აღნიშნული ინფორმაციის მითითების შემდეგ, უნდა დააჭიროთ ღილაკს რის შემდეგაც სისტემა ავტომატურად დააგენერირებს მითითებული ინფორმაციის შესაბამის კითხვარს, რომლის შევსებაც სავალდებულოა მიმართვის წარსადგენად (იხ. სურათი №3).



სურათი №3.

1. რა არის შესყიდვის ობიექტი?

პასუხი

2. რით არის განპირობებული შესყიდვის საჭიროება?

პასუხი

3. რა მეთოდით დადგინდა პირის ექსკლუზიური უფლებამოსილება?

პასუხი

4. რა მეთოდით დადგინდა, რომ არ არსებობს მიზანშეწონილი ალტერნატივა შესყიდვის ობიექტის ჩასანაცვლებლად?

პასუხი

კითხვებზე პასუხების გასაცემად საჭიროა დააჭიროთ ღილაკს პასუხი და შესაბამისი ინფორმაციის ჩაწერის/მონიშვნის/ატვირთვის შემდგომ, დააჭიროთ ღილაკს ჩანერა (იხ. სურათი №4 და №5).

სურათი №4.

კითხვა/პასუხი

5. რა მეთოდით განისაზღვრა შესყიდვის სავარაუდო ღირებულება?

ჩანერა გაუქმება



სურათი №5.

კითხვა/პასუხი
✕

7. რამდენად შესაძლებელია, რომ შესყიდვის ობიექტი დანაწევრდეს ცალკეულ კომპონენტებად და იმგვარად იქნეს შესყიდული? (კი/არა)

კი

არა

ჩანწერა

გაუქმება

გამარტივებული შესყიდვის შესახებ დასაბუთებული გადაწყვეტილების ასატვირთად, დააჭირეთ ღილაკს ☰ პასუხი, რომელიც მოცემულია ველის „გთხოვთ ატვირთოთ გამარტივებული შესყიდვის შესახებ დასაბუთებული გადაწყვეტილება“ ქვემოთ. შემდეგ დააჭირეთ ღილაკს „Choose File“, აირჩიეთ საჭირო დოკუმენტი თქვენი კომპიუტერიდან და დააჭიროთ ღილაკს 📎 ჩანწერა „ჩანწერა“.

საჭიროების შემთხვევაში, თქვენ საშუალება გაქვთ, თქვენს ჩანაწერს დაურთოთ დამატებითი ინფორმაცია ელექტრონული ფაილის სახით. ამისათვის უნდა დააჭიროთ ღილაკს „Choose File“, შემდეგ აირჩიოთ საჭირო დოკუმენტი თქვენი კომპიუტერიდან და დააჭიროთ ღილაკს „მიმაგრება“.

კითხვარის სრულად შევსებისა და გამარტივებული შესყიდვის შესახებ დასაბუთებული გადაწყვეტილების ატვირთვის შემდეგ, იმისათვის, რათა თქვენი მომართვა დარეგისტრირდეს სისტემაში, აუცილებელია დააჭიროთ ღილაკს ⚙ რეგისტრაცია. თუ გსურთ მიმართვის ინფორმაციაში ცვლილების შეტანა, დააჭირეთ ღილაკს ✎ რედაქტირება. მომართვის პროექტის წაშლა შესაძლებელია ღილაკზე 🗑 წაშლა დაჭერით (იხ. სურათი №6).

სურათი #6.

◀ უკან

⚙ რედაქტირება

⚙ რეგისტრაცია

🗑 წაშლა



4. სააგენტოს მიერ გადაწყვეტილების მიღება და მომართვის სტატუსები

შემსყიდველი ორგანიზაციის მიერ წარდგენილ მომართვას სააგენტო იხილავს წარდგენიდან არაუადრეს 2 და არაუგვიანეს 3 სამუშაო დღის ვადაში.

მომართვის რეგისტრაციის შემდეგ, მიმართვას ავტომატურად მიენიჭება საიდენტიფიკაციო ნომერი, მიმდინარე სტატუსი (თავდაპირველად მომართვას ენიჭება სტატუსი „განხილვა“ (რომელიც შემდგომში იცვლება შემსყიდველი ორგანიზაციისა და სააგენტოს ქმედებების შესაბამისად) და განხილვის საბოლოო თარიღი (იხ. სურათი №7). მომართვაში ასევე შეგიძლიათ იხილოთ მინიჭებული სტატუსების ქრონოლოგია (იხ. სურათი №8).

სურათი №7.

← უკან		SMP150000016 > გახმობილია
კითხვარი/განცხადება	კომენტარები	
განხილვის საბოლოო თარიღი: 03.11.2015		
ბემდგომი ორგანო	სახელმწიფო შესყიდვების სააგენტო	
შემსყიდველი	აიტი დეპტ	
შესყიდვის საფუძველი	შეთანხმება გადაუდებელი აუცილებლობით შესყიდვის შემდგომ	
ხელშეკრულების ვადები	08.10.2015 - 22.10.2015	
შესყიდვის ღირებულება	211212 ევრო	
შესყიდვის კატეგორია	44100000 - კონსტრუქციის მასალები და ანალოგიური ნივთები/საგნები	
კლასიფიკატორის კოდები	44191100 - ფირფიცარი	
მიმაგრებული ფაილები	1. 1.pdf	29.10.2015 18:50

სურათი №8.

სტატუსების ქრონოლოგია

უარყოფა 29.10.2015 11:35 :: [REDACTED]

განხილვა 29.10.2015 09:49 :: [REDACTED]

სააგენტო უფლებამოსილია, შემსყიდველ ორგანიზაციას მოსთხოვოს მომართვის დაზუსტება, თუ იგი არ შეიცავს სააგენტოს მიერ გადაწყვეტილების მისაღებად



საჭირო ინფორმაციას. ასეთ შემთხვევაში, მომართვას ენიჭება სტატუსი „დასაზუსტებელია“. შედეგად, შემსყიდველ ორგანიზაციას მომართვის დასაზუსტებლად განესაზღვრება 1 სამუშაო დღის ვადა, რა პერიოდშიც სააგენტოს მიერ გადაწყვეტილების მიღების ვადის დინება ჩერდება. შემსყიდველი ორგანიზაციის მიერ მომართვის დაზუსტების შემდეგ, მომართვას ენიჭება სტატუსი „დაზუსტებულია“, ხოლო იმ შემთხვევაში, თუ შემსყიდველი ორგანიზაცია განსაზღვრულ ვადაში არ დააზუსტებს მომართვას ან დააზუსტებს არასრულყოფილად, მიმართვა რჩება განუხილველი და, შესაბამისად, მას მიენიჭება სტატუსი „განუხილველი“.

იმ შემთხვევაში, თუ მომართვა არ აკმაყოფილებს კანონმდებლობით დადგენილ მოთხოვნებს, სააგენტო დასაბუთებულ უარს უცხადებს შემსყიდველს გამარტივებულ შესყიდვაზე თანხმობის მიცემაზე. ასეთ შემთხვევაში, მომართვას ენიჭება სტატუსი „უარყოფილია“. მომართვაზე სააგენტოს მიერ თანხმობის გაცემაზე უარის თქმის შემთხვევაში, შემსყიდველ ორგანიზაციას არ აქვს უფლება, შესყიდვა განახორციელოს გამარტივებული წესით. ასეთ შემთხვევაში, იგი ვალდებულია, შესყიდვა განახორციელოს კანონმდებლობის შესაბამისად.

თუ წარდგენილი მომართვა სრულად შეესაბამება კანონმდებლობით განსაზღვრულ მოთხოვნებს, სააგენტო იღებს გადაწყვეტილებას მომართვაზე თანხმობის გაცემის შესახებ და მომართვას ენიჭება სტატუსი „თანხმობა გაცემულია“.

სააგენტოს მიერ გადაწყვეტილების მიღებამდე, შემსყიდველს საშუალება აქვს, გაიხმოს მომართვა. ასეთ შემთხვევაში, მიმართვას ენიჭება სტატუსი „გახმობილია“.

5. მომართვის საჯაროობა და დაინტერესებული პირის მიერ მასზე მოსაზრების დაფიქსირება

სახელმწიფო შესყიდვების პროცესებში გამჭვირვალობის პრინციპიდან გამომდინარე, შემსყიდველი ორგანიზაციების სააგენტოსადმი მომართვა გამარტივებულ შესყიდვაზე თანხმობის მისაღებად ხელმისაწვდომია ნებისმიერი დაინტერესებული პირისთვის.

სისტემაში რეგისტრირებულ მომხმარებელსა და სტუმარს³ საშუალება აქვთ, სააგენტოს მიერ შემსყიდველი ორგანიზაციის მომართვაზე გადაწყვეტილების

³ იმისათვის, რათა სტუმრის სტატუსით მოსარგებლე დაინტერესებულმა პირმა შეძლოს SMP მოდულის ნახვა და შემსყიდველი ორგანიზაციის მომართვაზე კომენტარის გაკეთება, საჭიროა სისტემაში



მიღებამდე, წარადგინონ მათი მოსაზრებები შემსყიდველი ორგანიზაციის მიმართვაზე, SMP მოდულში არსებული კომენტარების ფუნქციის გამოყენებით.

სააგენტო შემსყიდველი ორგანიზაციის მიმართვაზე გადაწყვეტილების მიღებისას, ასევე იხილავს მიმართვაზე დაინტერესებული პირების მიერ დაფიქსირებულ მოსაზრებებს.

სტუმრის სტატუსით სისტემაში შესვლის შემდეგ, მან დამატებით გაიაროს ავტორიზაცია Facebook-ის ანგარიშით.